

福建府縣志輯

中國地方志集成

民國廈門市志

圖書在版編目(CIP)數據

中國地方志集成·福建府縣志輯·3, 民國廈門市志 /
上海書店出版社編. - 上海: 上海書店出版社,
2000. 10

ISBN 7-80622-424-6

I. 中... II. 上... III. ①地方志-中國②地方志-
福建-廈門市 IV. K29

中國版本圖書館 CIP 數據核字 (2000) 第 27769 號

廈門市志目錄

卷首 凡例

總分圖

影片

卷廿九

節義傳

卷三十

良吏傳

卷一 疆域志

卷二

氣象志

卷卅一

貨殖傳

卷卅二

藝術傳

卷三 大事志

卷四

山海志

卷卅五

雜錄

卷卅四

方外傳

卷五 建置志

卷六

交通志

卷七 名勝志

卷八

戶口志

卷九 賦稅志

卷十

物產志

卷十一 職官志

卷十二

學校志 附圖書報社

卷十三 人文志

卷十四

海防志 附舊兵制

卷十五 社團志

卷十六

警察志

卷十七 實業志

卷十八

外交志

卷十九 司法志

卷二十

禮俗志

卷廿一 惠政志

卷廿二

藝文志

卷廿三 列傳

卷廿四

儒林傳

卷廿五 文苑傳

卷廿六

高士傳

卷廿七 孝友傳

卷廿八

忠烈傳

卷首

凡例

今志與廈門志(後簡稱廈志)不相沿惟重要材料與各門人物仍須轉入方足示後

凡名勝古蹟及有關建築物為圖所難詳者非制片不明故影片繼總分圖之後

廈志生人不入傳詩文亦不錄今志仍之

廈志不表緯確實一缺點今志志氣象於二至日出入廈門市志卷首

晝夜長短二十四節氣象雨量風向詳見圖表可為市民趨事赴功之的

廈志舊事僅以紀兵今志合灾并寇警軍政大事而一之惟以年代為次仿顧氏春秋大事表曰大事志

各志詳山脉水流曰山川志本市海國也不曰山川而曰山海水利附馬各地志書有城市志一門廈城久撤

原有官署城寨及新區堤岸馬路公園市場等概詳建

置志故不另列

廈志曰選舉表今日人文表名實較符原表所列科目至道光十七年止今仍其舊在十七年後者續列至歷屆議員及各校學生另列各表惟學生以大學畢業者為限

廈志有兵制防海政畧言防海兵制在其中今附舊兵制於防海之後廈志有船政台運二畧今昔殊情故刪志實業農工為本商為末市商務較發達故商業詳於

農工

廈門市志卷首

二

省頒修志通用凡例(後簡稱通用凡例)有刑法一門現各縣市僅有司法機關故不曰刑法而曰司法

廈志分域畧列有祠廟一目因廈市無孔廟廢其二餘多近迷信故不另立志將舊祠宇附建置之後

藝文志曾錄四部之書零篇之文因事附錄遵史例也廈志列傳之下計分十目沿史書舊例惟當代成書多主分立通用凡例亦然今依之

廈志宦績武功忠烈三傳無顯者事實者改列人文職

官表或舉畧附各傳之後

獨行雖指偏立之士即高尚之謂也通用凡例獨行又
附高士鄭成功為明季偉大人物履志不為立傳弗已
也今列忠烈借存正氣

史記傳貨殖頗滋遺議惟市民異域致富與國家地方
慈善建設有關者大有其人特立本傳仍本以异不以
富之旨

今志不傳金石金屬私家度藏不輕示人石則擇尤制
廈門市志卷首

三

斤附諸名勝自無遺漏之患

履志番市略雖搜羅成帙但僅志各地山川風俗物產
與厦市無關即履志亦有非所宜載語故概從刪削

本市舊轄同安縣履志各傳所稱同安人三字刪其他
各縣移住者加原籍二字以免混淆

履志畢於道光十七年今志事實在十七年前者下書
補字十七年後者下書續字其別有意見及有所攷証

則書曰按其為舊按語加履志二字

疆域序

古者建國首重疆界疆界不正職守不明拔貢不均所
闕非細也厦島如桃形履志云廣袤五十里顯有舛錯
詳四至則曰水程若干里尤為失實近今有依亦多為
約略之詞故本市疆域非從新測繪未為正確若論形
勢大小担浯嶼門戶也鼓浪嶼白石頭胡里高崎五通
玉沙坡咽喉也石碼高嶼澳頭通漳泉要道也區々孤
島拓而言之實屏蔽澎台控制浙粵高兩農氏謂閩天
廈門市志卷首

四

下之故比諸杞緣陵鄭虎牢洵知言哉

大事序

事往矣。島為乎志曰鑒往知來也。語曰前事不忘後事之師。爰本斯意。輯為是編。春秋書法。常事不書。非常則書。非常之事。大事也。故廈志曰舊事。今志曰大事。

山海序

山國重關隘海國重港澳廈海國也。諸山風景具詳名勝。茲編僅紀脈絡。起訖峯壑聳伏而已。港嶼島澳潮汐沙綫。具詳防海。茲編僅詳源流。分合形勢。壯澗而已。顧各志均名山。川此名山海者。何歟。蓋廈市水流雖有七池。八河。十一溪。之稱。要皆賴雨水供灌。溉已耳。且月眉雙蓮等池。龍船。蒹菜等河。蓼花。龍舌等溪。大半淤塞。海國四面環之也。舍川志海。豈故為立異哉。實際使然耳。

建置序

閩光復後各縣破壞多建設少惟廈埠改革市區不遺餘力築馬路闢新區建公墓設農場俱見孟晉其最大工程有二曰公園。址擴亭台移榭因地區處惟備惟宜實為東南數省冠曰堤岸綫長施工匪易第二段施筑旋陷出重金僱荷人修筑卒底於成當局毅力有足多焉至昔時城垣官署街市等雖或存或廢仍據履志輯錄不忘先民之功也

廈門市志卷首

七

交通序

先武閉關院君鎖國成過去事交通尚馬厦市交通亦云便矣輪船可達歐美汽車可駛省會與閩南西航空設站港粵閩滬朝發夕至郵傳電綫早具規模王制所云四海之內若一家豈虛構之詞耶雖然抗戰軍興與本市聯絡綫訖未能復即市區各路因失修未見蕩平費絀也但當局果奮迅圖功何地無財舍近圖遠豈計之深歟

廈門市志卷首

八

名勝序

元和郡縣志始載古蹟後世志書因之遂侈談名勝矣
顧名勝何限各志祖宗地之八景未敢損益殊屬費解
廈市東南名區也山勢雄奇岩壑尤美叢林勝槩不可
殫紀蹟之古者訪希倘之石室涉今之之薛嶺徬徨四
顧懸如有懷即經水師台高讀岩猶想見長鯨出沒情
狀遺蹟至足珍也山川鬚眉人朗之王季重之言不其
信乎
廈門市志卷首

九

戶口序

古視戶政綦重矣按因禮總比較屬小司從時獻王屬
小司寇掌稽考分屬閭師與鄉遂之吏古之稽考即後
世編審也清初併丁於糧而編審停戶口益無可稽本
市警察成立較早戶數富不舛錯人口因交通便利時
有變動勢使然也顧今重戶口在賦役古重戶口期繁
殖墨子辭過曰欲民之衆而惡其寡適與瑪尔梭士相
反瑪尔患人多墨子患人少我國近亦有人滿之說而
廈門市志卷首

十。

貨弃地曠倘善為開發安在人多足患耶

賦稅序

古之取民也有制今之取民也無菑匪曰仁暴時勢异耳民國肇建國家收支已失平衡中日發生軍費浩繁勝利後朝野渴望少休矣閭閻繫啟慘鬥情形視抗戰尤過之鬥爭愈劇賦稅愈繁重民生愈困苦以厦市論田賦市稅關稅視厦志所載奚啻霄壤當局固不復已如民生何且國幣貶值量之減也莫測數之加也無形賦稅幾不可志預決算久矣無聞度支亦無可紀今厦門市志卷首

一一

僅載市府告參議會數目聊窺一斑耳若厦志所紀賦額稅則姑擇要摘錄聊當既陳之勇狗也

物產序

盈天地間者皆物也約言之動植礦而已厦為運輸口岸土產奇缺言乎植無松杉竹木之饒燃料且仰給內地言夫礦傳南太武有些礦苗此外無聞言夫動飛禽野獸不恒有最富者厥惟魚類惟捕魚之船與捕魚之具制魚之法故步自封捉獲不能滿量銷售亦難及遠物產固無可志也無可志而仍志者深望沿海五千漁民力亦展拓維此一綫生機若夫因勢而利導之教誨厦門市志卷首

一二

而整齊之責在有司

職官表

職官有表仿古者廳壁題名其有卓異政績者列良吏傳于例久協康海武功志官師一門善惡並舉以寓勸懲緬茲先例實獲我心而文獻會諸君慮傷為人後者之心主勸不主懲意亦良厚故茲編首述官制其吏斯土者不分善惡概題名附後春秋之義善々從長惡々從短斯亦有合隱揚之旨耳

廈門市志卷首

一三

學校序

我國學校何有昉乎夏曰校三代曰學由來矣自宋以後學校廢而書院興勝清末葉書院廢而學校興書院課制藝學校研科學已趨實用矣但書院學校僅名稱之異耳要在教育之精神與夫改革之方針師儒弼於上生徒化於下教育乃有效率之可言而矯枉者恒迪其正昔之教也主靜今之教也主動過靜則恭過動則麗均失也甚望並世教育家起而善其後

廈門市志卷首

一四

廈志曰選舉今志曰人文非好立异也選舉之名古之鄉舉里選漢興孝廉舉賢良方正猶有成周遺意隋唐明清納選舉於科目之中可云科舉未可云選舉即明之荐辟清之舉特科及孝廉方正均由大吏主持與平民無與近代學校卒業生尤與學校選政無關惟選各級代議士頗與古今合茲編所列有科目學議員三種仍沿舊名未免失實人文者人類之文化也易曰觀廈門市志卷首 一五

乎人文以化成天下意其庶幾乎

廈海設防肇於宋成於明備於清清時有汛哨有洋哨哨復分中南北三隊水陸梭巡內外交守固矣備矣蔑以加矣顧或曰今空戰發明培嶼大小担門戶已成無用設海防何如設空防之為愈乎但軍事有偏重究不宜偏廢欲守國須設險欲設險須海陸空聯防陸空無論矣海防勝清既有成規前哲亦多論列無須空談最難者守得其人耳得其人則防務俱廈市固如金湯也廈門市志卷首 一六

否則十年前淪陷往事可不戒歟

社团序

帝制時代集會結社有禁無所謂社團也清季預備立憲地方自治呼聲甚囂塵上仍不脫官治範圍民國肇建黨政團體雖如春筍倏起倏滅終受強有力者支配亦越于今農工商學有會矣民意機關省市縣有參議會之組織顧名思義參末議耳於立法及民主精神相差尚遠但有政與聞慰情聊勝與其事者具有鷄鳴風雨之思乎

廈門市志卷首

一七

警察序

警察之制濫觴周禮市設司市復有司稽司說之設司稽五肆一人掌執盜賊司說十肆一人掌禁暴亂與近代警制極類本市主管警政機關昔曰廳今日局範圍雖有大小而為市民服務則一必也慎遴選嚴教練厚餉稽勤考方足靖闖維風俗無事輔首長施政有事隨駐軍戡亂所關綦重如故事奉行招遊民以充數靖之適以擾之維之適以敗之司稽云乎哉司說云乎

廈門市志卷首

一八

哉

實業序

外人注重實業曰農曰商曰工曰礦廈商埠也惟商業最盛嚴格言之商本業也而非本業則虛而不實但自十九世紀以來各國互相雄長商戰為亟即証以我國舊說太史公曰農不出則乏其食工不出則乏其事商不出則三寶絕商固與農工並重農以生之工以成之商以遷之斯民衣食之源也既同為衣食之原烏可志况有土者有財倘以經商餘資轉而發展農工安知廈門市志卷首

一九

無舍不逐本之日耶竊欲為市民進一解

外交序

鴉片戰事結束江寧條約成廈口遂開放矣通商而後外人屬至交涉頻繁光緒二十八年鼓嶼輕于一晷變為萬國公地此外日人設警也海後灘遊行也虎頭山劃界也為當時軒然大波市民猶純道之夫弱國無外交久成慣例乃廈民弱也而赴義則強清政雖不綱而島國人民陣綫摧撼不少動劃界海后二案公理卒戰勝強權甚矣民氣之不可侮也今者抗戰勝利鼓區已廈門市志卷首

二〇

收歸市有保持國威政府人民與有責焉可不慎歟

司法序

司法制度曠自勝清推行至今各縣仍具雜形耳本市有地方法院有高等分院組織較密顧司法精神不在機構之疏密而在審判之能獨立與夫法官之守風紀二端不立徒有軀壳無益也。因禮法字從慶從水謂法乎如水也。從慶謂觸不直者去之也。今當局果持平如水乎。所觸果不直乎。不直果皆去乎。不能無望於廉明之有司。

廈門市志卷首

二一

禮俗序

禮經曰禮從宜使從俗志者所由昉也。但禮與俗相因非截然兩事。叔孫通曰禮者因時世人情而為之。節文程子曰禮之本出於民之情也。禮之器出於民之俗情。變而俗變俗變而禮變俗非一成不易即禮非亘古不變。茲編列吉凶禮制感時景物著論附後。可因者因之。可革者革之。是在知禮通俗之君子。

廈門市志卷首

二二

惠政序

昔府廳州縣所謂惠政多以本地之財供本地之用官督導已耳即蠲免振卹亦不過暫緩輸將及移款協助耳以本市論義倉卹無告堂育嬰堂何一非民款是惠政云者非盡出國帑大半地方善舉也惟惠善均不可無政惠無政則虛善無政則蝕故惠不知為政徒善不足為政孟氏譏焉今起視各市縣惠與善無聞果世運之殊耶人事實尸其咎耳

廈門市志卷首

二三

藝文序

廈志藝文僅載零編如讀合刊詩文集各志同病非廈志然也鄭志藝文略分四部十二類今畧師其意部類攸分惟四部分類法昔人有遺議今新書汗牛充棟尤非四部所能盡但舍是別無統攝之方先民有作謹依鄭氏成例參以近今部居之法分著於編廈志藝文志各詩文概列本事本傳之後非徒遵鄭志班書之例則亦有然耳

廈門市志卷首

二四

列傳序

史記特闢列傳一門歸納衆流後史因之而標目滋多
但有因風會所趨不得不分者如後漢書宋史於儒林
外別立文苑理學是也有因偏全互异不能不分者如
後漢書之獨行新唐書之卓行孝友宋史之忠義是也
皆因時因事不失制宜之義乃各地志書紛々立目儒
米外有儒行忠義外有義勇宦績外有政績節外生枝
無謂甚矣履志列傳之下計分十目沿史書先例今志
廈門市志卷首

二五

主分立遵通用凡例也

儒林序

史漢之傳儒林詳各經派別及各師傳授之迹而已非
詳一人生平也後史多以人為經以經為緯失史漢之
舊若地方志書有稍明經義及畧通經說者便可入選
履志列傳十目獨缺儒林豈無窮經之儒乎抑采摭
有遺舉世目群經為腐劑矣今仍列此門者冀收剝復
之果也

廈門市志卷首

二六

文苑序

方志於儒林藝文外又列文苑何也儒林處闡明經義者藝文處專家著述者文苑處工文辭者史漢二書有儒林無文苑後漢書始創斯例無他社會由慣而文風會所趨勢須劃分也夫文以載道古有恒言而道不可道由載之徒費辭耳湯明子曰其花繁者其實鮮文其無用乎哉是又不然經國迪世之文固無示後行遠即流連風景之作亦足適趣陶情其文不朽其人自傳文

廈門市志卷首

二七

果無用乎哉

高士序

史書記特立不群之士後漢書曰獨行新唐書曰卓行新五代史曰行獨行卓行一行云者高而已矣廈市商埠也競以豪富相尚凡生長是邦者目染耳濡頗難自拔然十步之內必有芳草士之高尙其事不與俗浮沉者豈曰無人天半朱霞耶雲中白鶴耶後人時興仰止之思於移風易俗不無少補耳

廈門市志卷首

二八